

Yn dilyn cwrs hyfforddi yn Aberystwyth dwi'n gwirfoddoli mewn llawer mwy o glybiau. Dwi a geneth arall o'r chweched isaf yn cynnal sesiynau pêl-rwyd i flynyddoedd 8-9. Dwi hefyd yn gwirfoddoli ar y cyd gyda'r Urdd yn hyfforddi sesiynau pêl-rwyd i flynyddoedd 3-4 ac 5-6. Mae'r holl oriau yma yn wych i mi gyflawni fy oriau B.A.C. ac o ddefnydd mawr i mi wrth adeiladu fy CV. i gael mewn i'r brif Ysgol. Yn ychwanegol i hyn mae holl sesiynau hyfforddi yma yn datblygu fy hyder i yn aruthrol ac yn datblygu fy sgiliau arwain, cyfathrebu, dyfeisio a threfnu i. Credaf fod hyn yn cael ei adlewyrch mewn i agweddau o fy ngwaith ysgol i a fy mywyd o ddydd i ddydd. Ers y Cwrs dwi hefyd wedi llwyddo i gael swydd mewn caffi. Credaf mai'r holl oriau wirfoddoli a chymwysterau ychwanegol sydd wedi fy ngosod uwchben ymgeiswyr eraill.

Dwi'n rili mwynhau hyfforddi, ac yn hoff iawn o'r plant. Mae wedi gwneud i mi ail ystyried fy ngyrfâu ar gyfer y dyfodol ac wedi agor llawer o ddrysau newydd i mi. Er bod ychydig o waith yn trefnu sesiynau mae'r byddianau llawer mwy na'r baich. Dwi wedi chwerthin oleua unwaith pob sesiwn ac yn gadael gyda gwen ar fy ngwyneb. Mae plant yn gallu deud y pethau doniolaf.

Nid yn unig fy mod wedi bod yn gwneud mwy o oriau o hyfforddi ond dwi hefyd wedi bod yn manteisio mwy ar y cyrsiau mae'r Urdd yn eu cynnig, a dwi 'di ennill llwythi o gymwysterau o'i mynychu. Ers y cwrs yn Aberystwyth dwi wedi bod ar gwrs Cymorth Cyntaf, Cwrs Tag Rygbi ac yn aelod o fforwm chwaraeon gogledd. Fe fydd y cwrs Tag Rygbi o ddefnydd mawr i mi os ydw'i am ymgeisio i gael ar gwrs dysgu, neu efallai os ydw'i am ymgeisio i broject fel Camp America yn y dyfodol. Yn amlwg mae o fantais fawr i mi fel unigolyn ac i bawb sydd yn ystyrid fy nghyflogi fy mod wedi gwneud cwrs Cymorth Cyntaf hefyd.

Byswn yn awgrymu i unrhywun gychwyn gwirfoddoli gyda'r Urdd ma'n edrych yn wych ar CV. ac yn ffordd biliant o ddatblygu sgiliau craidd chi fel person.

